

# আগামীকাল এসএসসি

## পরীক্ষা শুরু

ইত্তেফাক রিপোর্ট ॥ আগামীকাল (সোমবার) দেশের ৪টি শিক্ষা বোর্ডের ১৯৯৪ সালের এসএসসি পরীক্ষা একযোগে শুরু হইবে। দেশের ৬৪৪টি পরীক্ষা কেন্দ্রে ৯ হাজার ৪৩৫টি বিদ্যালয়ের মোট ৬ লক্ষ ৯২ হাজার ৭৪১ জন ছাত্র-ছাত্রী এই পরীক্ষায় অংশগ্রহণ করিবে। ইহাদের মধ্যে ঢাকা বোর্ডে ২ লক্ষ ২২ হাজার ২৭৪ জন, কুমিল্লা বোর্ডে ১ লক্ষ ৭০ হাজার ৪৮১ জন, রাজশাহী বোর্ডে ১ লক্ষ ৬২ হাজার ৮৬১ জন এবং

যশোর বোর্ডে ১ লক্ষ ৩৭ হাজার ১২৫ জন ছাত্র-ছাত্রী রহিয়াছে। কেন্দ্রীয় শিক্ষক সংস্থামে নিয়াজোঁ কমিটি পরীক্ষা গ্রহণ করিবে না বলিয়া সিদ্ধান্ত ঘোষণা করিয়াছে। অপরদিকে আন্দোলনরত শিক্ষক সমিতির (নজরুল-আশরাফ), বাংলাদেশ শিক্ষক ফোরাম, কর্মচারী ফেডারেশনসহ বেশ কয়েকটি শিক্ষক সংগঠন পরীক্ষা গ্রহণের কথা ঘোষণা করিয়াছে। পরীক্ষা সুষ্ঠুভাবে অনুষ্ঠানের লক্ষ্যে (১১শৃঃ দৃঃ)

### আগামীকাল এসএসসি

(১ম পৃঃ পর)

সরকারীভাবে ব্যাপক উদ্যোগ গ্রহণ করা হইয়াছে। সরকারী স্কুল, সরকারী কলেজ, পি,টি,আই, পলিটেকনিক ইনসটিটিউট, শিক্ষা অফিসের বিভিন্ন কর্মকর্তাসহ বিভিন্ন সরকারী অফিসের কর্ম-কর্তা, কর্মচারীবৃন্দ পরীক্ষা গ্রহণের কাজে সহায়তা করিবেন।

ঢাকা বোর্ডের চেয়ারম্যান প্রফেসর নতিফুর রহমান বলেন, সুষ্ঠু ও দুর্নীতিমুক্ত পরিবেশে পরীক্ষা পরিচালনার জন্য ইতি-মধ্যেই সকল কেন্দ্রে প্রশুপত্র পাঠানো হইয়াছে। এডমিট কার্ড বিতরণ করা হইয়াছে ছাত্র-ছাত্রীদের মধ্যে। শিক্ষকদের একটি অংশ ধর্মঘটে থাকায় বিকল্প-ভাবে কেন্দ্র সচিব, পরিদর্শক ও অন্যান্য কর্মকর্তাদের প্রশিক্ষণ দেওয়া হইয়াছে। প্রতিটি জেলা সদরে দুইজন প্রশিক্ষিত কর্মকর্তা জেলা, থানা ও কেন্দ্র পর্যায়ে কর্মকর্তাদের প্রশিক্ষণ দিয়াছেন। দেশের সকল পরীক্ষা কেন্দ্রে আইন-শৃংখলা রক্ষার লক্ষ্যে কেন্দ্রের ২ শত গজের মধ্যে ১৪৪ ধারা বলবৎ থাকিবে। ঢাকা মহানগর পুলিশ জানায়, পরীক্ষা বহির্ভূত কোন ব্যক্তিকে পরীক্ষার হলের আশেপাশে ঢুকিতে দেওয়া হইবে না। ২ শত গজের মধ্যে অনূর্ধ্ব ৪ জনের জন্মায়ত নিষিদ্ধ করা হইয়াছে।

বরিশাল অফিস ॥ জেলায় ১৬টি মূলকেন্দ্র ও ৫টি উপকেন্দ্রে এসএসসি পরীক্ষা অনুষ্ঠানের আয়োজন সম্পন্ন হইয়াছে। বরিশাল শহরে ৫টি উপকেন্দ্রসহ মোট ৬টি কেন্দ্রে পরীক্ষা অনুষ্ঠিত হইবে। কেন্দ্রগুলি হইতেছে : সরকারী সৈয়দ হাভেন আলী কলেজ, সরকারী বরিশাল কলেজ, সরকারী মহিলা কলেজ, সরকারী বালিকা বিদ্যালয়, জেলা স্কুল ও উদয়ন হাইস্কুল। প্রথমোক্ত ২টি কলেজের শিক্ষকেরা পরিদর্শকের দায়িত্ব পালনে রাজী হইয়াছেন। পরীক্ষার্থীর সংখ্যা এই শহরে মোট ৩৮৪২ জন।